

BYĆ WŠUDŽE, HDŽEŽ POS WOPUŠ ZBĚHNJE

čo. 18

- a) wšudže pódla być, hdžež so něšto stawa
- b) na kóždym štomje čuchać
- c) so škitej štomow wěnować

Prawa je wotmołwa a.

Jeli sy wšudže, hdžež pos wopuš zběhnje, potom sy wšudže pódla, hdžež so něšto stawa, tak kaž aktiwny žurnalist.

Takle móžeš to tež prajić

Cyle podobne wurazy su scěhowace:

- wšudže swój nos nutř tykać (wćipny być a so wšudže zjewić, hdžež so něšto stawa)
- na wšěch hozdzikach wisać/być (wšudže pódla być)
- na wšěch kwasach rejować (wšudže pódla być)

Příklady z rěčneho korpusa

Skala wučeše, zo mam swój nos tykać wšudže, hdžež so něšto noweho w měsće stawa, wšudže, hdžež *pos wopuš zběhnje*, wón rjekny. (Pawoł Grojlich, Młode lěta wjesneho hólca, Budyšin 1986)

Wšako mać hustodosć swarješe, zo je w jeho stwě njeroda, zo móhli swinje kwićeć abo zo njesmě so stajnje wšudže wokoło honić, hdžež *pos wopuš zběhnje*. (Jěwa-Marja Čornakec, Matej w štwórtej dimensiji, Budyšin 1996)